



**WYTHNOS
ELUSENNAU
CYMRU**

**WELSH
CHARITIES
WEEK**

Pecyn Ymgyrchu

Cyflwyniad

Mae Wythnos Elusennau Cymru yn ôl ac yn cael ei chynnal eleni rhwng 13-17 Tachwedd 2023.

Diben yr wythnos hon yw cydnabod gwaith elusennau, mentrau cymdeithasol, mudiadau gwirfoddol a grwpiau cymunedol a gwirfoddol yng Nghymru.

Mae elusennau nid yn unig yn achubiaeth i'r rhai mwyaf agored i niwed, ond maen nhw hefyd yno i bobl drwy'r cyfnodau da a drwg, yn cymryd camau bach yr olwg sy'n arwain at wahaniaeth mawr.

WcVA
CgGC

Ynglŷn â'r pecyn hwn

Yn y pecyn ymgyrchu hwn, byddwch chi'n dod o hyd i syniadau i'ch helpu chi i gymryd rhan yn Wythnos Elusennau Cymru ac adnoddau i'ch helpu i ledaenu'r gair am yr wythnos ar hyd a lled y wlad. Mae'r holl wybodaeth yn y pecyn ymgyrch hwn ar gael yn Saesneg yn welschcharitiesweek.cymru.

Yn y pecyn ymgyrchu:

- Sut i gymryd rhan
- Negeseuon awgrymedig ar gyfer y cyfryngau cymdeithasol
- Graffigau ac asedau cyfryngau cymdeithasol

Sut i gymryd rhan

Gwirfoddolwch, rowch rodd neu rhowch floedd i'ch hoff elusen neu grŵp gwirfoddol! Mae digonedd o ffyrdd hawdd o gymryd rhan yn #WythnosElusennauCymru.

1. SONIWCH AM ELUSEN NEU GRŴP GWIRFODDOL YNG NGHYMRU AR GYFRYNGAU CYMDEITHASOL

Eleni rydym yn eich herio i dynnu sylw at dair elusen yr ydych yn eu hedmygu. Tagiwch nhw ar gyfryngau cymdeithasol a dywedwch wrthym sut mae'r mudiad wedi cael effaith wirioneddol ar eich bywyd chi neu fywyd rhywun sy'n bwysig i chi.

Soniwch amdanyn nhw ar blatfform cyfryngau cymdeithasol o'ch dewis a chofiwch ddefnyddio #WythnosElusennauCymru.

2. RHOI

Mae Wythnos Elusennau Cymru yn amser perffaith i'w roi i elusen neu fudiad gwirfoddol. Mae llawer ohonom yn teimlo pwysau argyfwng costau byw ond cofiwch nad oes rhaid iddo fod yn rhodd arian parod. Gallai fod yn fag o ddillad neu eitemau eraill ar gyfer eich siop elusen leol, neu gallech hyd yn oed gyfrannu rhan o'ch amser drwy wirfoddoli (gweler isod).

Beth am ddweud wrth y byd am eich rhodd a pham rydych chi wedi'i wneud. Postiwch ddiweddariad gan ddefnyddio #WythnosElusennauCymru ar gyfryngau cymdeithasol.

SUT I ROI EICH RHODD

Ewch i wefan neu gyfryngau cymdeithasol eich achos dewisol i weld a oes ganddynt gyfarwyddiadau ar sut i godi arian ar eu rhan (e.e. efallai y bydd ganddynt eu tudalennau rhoi eu hunain neu ddefnyddio Just Giving, Local Giving ac ati). Os ydych chi'n defnyddio Instagram neu Facebook, gwiriwch i weld a yw eich hoff elusen wedi'i sefydlu i dderbyn rhoddion gan ddefnyddio eu hoffer codi arian.


Fel arall, ewch yn syth i un o'r llwyfannau isod i ddod o hyd i achos Cymreig a fyddai'n ddiolchgar am eich cefnogaeth. Os gallwch, ceisiwch ddewis cangen leol i sicrhau bod eich rhodd yn cefnogi gweithredu yma yng Nghymru.

- JustGiving
- Local Giving
- Crowdfunder
- Givey
- Total Giving

Peidiwch ag anghofio os ydych yn drethdalwr yn y DU gallwch wneud y mwyaf o'ch rhodd trwy Rodd Gymorth os yw'r mudiad wedi'i gofrestru.

RHOI WRTH SIOPA

Os na allwch chi gyflwyno rhodd, beth am roi o'ch amser i drefnu rhai rhoddion awtomatig na fydd yn costio'r un geiniog i chi. Mae Cynlluniau fel Give as you live yn cyflwyno rhoddion ar eich rhan bob tro rydych chi'n siopa gyda nhw ar-lein. Mae'n rhad ac am ddim a'r cwbl sydd angen i chi ei wneud yw creu cais cyflym i ddweud at bwy rydych chi am i'r arian fynd.



3. COFRESTRWCH I FOD YN WIRFODDOLWR

Defnyddiwch ychydig o'ch amser sbâr i helpu eraill. Mae Wythnos Elusennau Cymru yn amser perffaith i gofrestru a dod yn wirfoddolwr! Os oes gennych chi ddiddordeb mewn bod yn wirfoddolwr, beth am fynd draw i wefan Gwirfoddoli Cymru gwirfoddolicymru.net.

Gallwch chwilio am gyfleoedd gwirfoddoli neu gofrestru i fod wrth law mewn argyfwng. Os ydych chi'n gwirfoddoli, p'un ai dyma'ch tro cyntaf neu rywbeth rydych chi wedi'i wneud o'r blaen, rhowch wybod i ni ar y cyfryngau cymdeithasol gyda'r hashnod #WythnosElusennauCymru.



Postiadau awgrymedig ar gyfer y cyfryngau cymdeithasol

Bydden ni'n dwli cael eich help i gael mwy o bobl i gymryd rhan yn Wythnos Elusennau Cymru. Dyma rai postiadau awgrymedig y gallwch chi eu defnyddio ar gyfryngau cymdeithasol, mae croeso i chi eu haddasu, dim ond awgrymiadau yw'r rhain! Mae yna graffigau hefyd y gallwch chi eu defnyddio i fynd gyda'ch postiadau yn yr adran nesaf.

Beth am daflu golau ar waith gwych grwpiau nid-er-elw o bob lliw a llun yng Nghymru? Cymerwch ran yn #WythnosElusennauCymru – 13-17 Tachwedd 2023 <https://wythnoselusennau.cymru/>



Mae 13-17 Tachwedd yn #WythnosElusennauCymru. Ewch ati i gymryd rhan a helpu i gydnabod y gwaith y mae elusennau, mentrau cymdeithasol, mudiadau gwirfoddol a grwpiau cymunedol yn ei wneud yng Nghymru. <https://wythnoselusennau.cymru/>



Dewch i ni wneud gwahaniaeth gyda'n gilydd yn ystod #WythnosElusennauCymru. Ewch ati i wirfoddoli, rhoi neu ddiolch i'ch hoff elusen neu grŵp gwirfoddol! 13-17 Tachwedd <https://wythnoselusennau.cymru/>



Rhwng 13-17 Tachwedd, mae'n #WythnosElusennauCymru – darganfyddwch sut gallwch chi gymryd rhan yn <https://wythnoselusennau.cymru/>





Banner ebost

WYTHNOS
ELUSENNAU
CYMRU

WELSH
CHARITIES
WEEK

13 - 17 Tachwedd 2023

13 - 17 November 2023

Hefyd ar gael yn Saesneg yn welshcharitiesweek.cymru.